

吳門古蹟卷三

長洲 顧震濤

笠孫輯
非之輯

文星閣向在東禪寺內明萬曆十五年巡撫周繼創
建二十三年知縣江盈科移建今所形方四層高
十三丈圍二十丈四尺任其勞者典史唐惟仁生
員劉伸吳良治黃承詢袁本陳朝東已後修建者

知縣祁承燝韓原善許爾忠涂必昌郡紳陳仁錫
文震孟彭瓏吳愉宋德宏繆彤顧汧彭定求吳承
勵汪遂為士子肄業之所

千佛井在柴河頭湯氏宅內井欄鐫佛像甚多相傳

水可治疫

二條褚
通經錄

落星石一在長署西義役倉橋傍一在吳縣學門

西一在開元寺側一在獅山落星港一在北濠勝
堂

東京啟聖禪院佛像歷年記碑在婁門關帝廟內乾
隆初里士韓詩元旦謁廟墾土得之上鑄佛像下
刻經文末署蘇州長洲縣上元鄉煙家橋西居住
嗣男寶臨施財刊石追薦妣諸氏七娘遠年生界

元豐四年五月望日立石勸緣行者趙道堅吳郡
張珙刻正書二十七行

崇正宮橋青石扶闌琢工極細具見纖毫

無今

十四井在顧亭橋南楊家田在咫尺間有方有圓有
八角甚古皆以石板覆之

十二井在齊門新橋巷瑞蓮菴後菴久廢畫禪寺僧

如本創建道光十七年夏浚放生池因見之

明文學於叔夜宅在西麒麟巷有舊園即吏部皇甫

沅月駕園之一隅錢希言亦居之今為黃贊府均

宅

性善公所在班竹卷闔郡漆作公建並籌卹同業孤

寡殯葬道光十七年呈官創建中祀祖師神姓邱

名彌陀

像如頭陀九十六日神誕

又祀楊捐

始制漆器

花橋水閣唐時已建見白居易詩

國朝褚篆書楹

今汪水部留楷重書乾隆八年里紳蔣文源沈志

祖汪鼎煌顧廷煊蔣應焄等重建增建文昌閣軒

轅樓嘉慶二年蔣曾燭等增建魁星閣

城中七塔之外更有二塔一在平江路張家橋北首

宋初顧氏建康熙三十年圮一在石塘橋巷底康熙二十九年羣兒戲築而成時有南塔傾北塔成

之謠顧仁記

繡祖廟在水仙廟側神姓顧名名世明官明一在周

孝子廟側神姓顧名采按神國朝初年守廟人

廟柱死俗稱顧太太民間小兒為繡繹之神俞大
迷失虔告必獲顯應能尋

守中堂在郡廟東長安街內康熙九年春里士朱厚

寰倡緣道士李樸建葛芝有遂為千載乘雲之人

敢忘三年築室之義刻於楹柱百城烟水

城隍廟東房三官像趙許手搯用脫沙法許又能作

羊皮燈自轉石磨皆人所莫及之技

甫橋東西跨街二石坊東曰清朝法從為丁世熙元復

父立西曰藩屏碩望為鄉賢丁元復立今元和縣
署是元復故元和舊志

永定寺大殿上鼓為郡中第一宋初遺物

黃土塔橋側昔有古磚塔或云八幢之一

專諸宅在專諸巷即石塔廟久廢移像於闕帝廟西

偏申詒
芳記

保吉利橋石幢上鐫佛像中刻七如來聖號有座甚

古中多緯痕唐時舊物

首烏粉在來鳳橋下塘周氏古訓堂世傳法製

梁高士祠在隆興寺側祀漢梁鴻道光十年布政使

梁章鉅建並建高士樓於滄浪亭祀之

治長涇張姓世傳治骨硬方藥甚驗

尹山尹姓世傳治獺狗方藥頗入神妙二條韓
僧道餽食糕饅店在醋坊橋西沈氏世業

軸頭店在周啞子巷馬氏世業

麵樸店在新街橋某氏世業剪紙為之

麵餅袋店在王洗馬巷夏氏世業

肺露店在廟堂橋北張氏三和堂世傳法製五條徐
莊迷記

不染塵觀音殿在北寺東像甚偉妙脫沙異質不用

土木宋紹興時金大圓募建名手所搆邊知白記

明成化十九年張廷玉重建萬曆初燬三十二年

郡紳徐泰時配馮恭人同男洌澣漸重建得周廷

策所搆尤精并塑地藏王菩薩於後內殿又搆釋

迦文殊普賢三像頗偉管志道記

飲馬橋關帝廟神像順治二年閏六月十三日土國
寶屠城至此俄見聖像提刀跨馬挺立橋上兵乃
止遂免屠

尚書卷舊名修竹卷明吳文定公寬所居宏治十七
年知府林世遠改今名卷東口有尚書會元斯文
山斗三坊跨街後為顧御史國宅

吳殿直巷宋吳感居此

錢都衙橋明錢貴居此

四條皆申
詒芳記

范文正公義莊在芝草靈橋西即范氏舊宅郡守李

大異書范家園三大字碑在馬東隅是吳縣廢址

相傳文正公曾雪周羽寃後其子官吳令請讓地

擴莊今莊中土地謂周某云

顧公
變記

宋皇祐元年始

建莊莊中文正祠咸淳三年所建祠祀詳見志

附蔣廣堦義田義宅考吳中之仰文正公猶斗之有杓也義莊中城而立保世滋大其為邦國之光而宗族以碩大藩昌者聞嘗稽其譜牒按其規條而一一考之文正本疏廣散財宗黨之意於仁宗皇祐元年始置負郭常稔田仲子忠宣公純仁於

神宗元豐二年增置義田自是相繼續蠲得四千餘畝其後盛衰隆替變遷非一世也至參議允臨大同知府瑤先後各蠲千畝而始復舊觀此其大略也按文正有四子長監簿純佑次忠宣三恭獻純禮四侍郎純粹義田之舉忠宣繼述為最而保守祠墓以無墜先緒至今則又出於監簿苗裔范

氏有十六房出自文正者四此外郎中房子姓繁
衍為文正三從姪孫世延之後文正以上墓地皆
在支硎山文正墓在河南洛陽縣彭婆鎮之萬安
山至今洛陽墓葺修猶取給於莊而知文正之流
澤遠矣所謂義宅者文正始闢南園地為宅繼思
之乃曰私之一家不如公之一郡爰即其高祖麗

水丞公名隨所居靈芝坊地以為義宅是宅當在
唐懿宗咸通時也且夫義田與義宅相表裏者有
田則老有所終幼有所長鰥寡孤獨皆有所養有
宅則八歲入小學十五學入太學春誦夏絃無輟
乃業本司徒六行之規重以睦姻任卹綜學正四
術之典教以禮樂詩書有其舉之弗敢廢也慕為

後者盛弗傳焉夫先憂後樂文正之心而以是名
其地者後人為之惟歲寒堂君子樹松風閣為義
宅故蹟文正有詠見全集可據若夫天平山之講
學堂清白知本敬身三者元至正時後裔改建於
此蓋支硎係賜山非義宅可知或因賜山而類及
賜湖此又范文穆成大之事儒者不可不正其舛

誤也抑又攷之莊之中其始總理其事曰掌莊其
主奉之名始於宋度咸淳十年提管主計之名始
於宋端宗景炎元年典籍之名始於明成祖永樂
十五年^莊之中為文正建祠在宋咸淳時易祠為書
院在元至正時嗚呼文正之流澤遠矣數百年後
聞風興起者有若申文定時行陳文莊仁錫故三

姓之子孫至今食舊德云然而義田義宅雖創守
田范氏實賢大夫為之興廢而舉墜補弊而救偏
宋南渡時以編民豪據而一變於宋得提刑何異
郡守鄭若容於明得巡撫大理卿胡概周文襄忱
及郡守况鍾復其田產免其科糴寬其賦額此義
莊所以崇德報功而千秋俎豆之勿替也及湯文

正蒞吳月吉親詣范氏義莊與至德廟周忠介祠
同垂祀典率吳民以禮讓忠節移風易俗治臻上
理焉而義田義宅之名吾吳婦孺所熟悉而藉藉
人口者也

林大中丞則徐正
誼書院課選古文

申文定公義莊在休休菴

向在胥門
外日暉橋

明萬曆初文定

公時行創始子用懋用嘉增益成之用懋有義莊

規條序見志

陳文莊公義莊初在仁二圖明崇正三年文莊公仁

錫建叔允昌董其事仁錫有義莊記見志

陶義莊祠在因果巷祀議叙員外郎篠雍正二年建並

祀明殉節指揮俊等於寢世魁篠父配王鳴盛記見志

戈義莊祠在善教浜內祀 欽旌孝義 贈通議大

夫元燭子黃鴻黃詠黃淮黃湘配乾隆二十六年

建并祀明文學堂於寢地憲元燭父配

江義莊祠在昏門小日暉橋南祀 欽旌善行監生

淞乾隆五年建

袁義莊祠在聞德橋西祀 欽旌善行布政司理問

廷棟乾隆五年建

潘義莊祠在混堂巷內祀 欽旌善行 贈中憲大

夫穎昌子元忠元常元純孫文起文模文龍文虎

配嘉慶九年建并祀明指揮留孫等於寢法式善

記見志

吳義莊祠在桃花塢祀 欽旌^善行內閣中書舉人文

垣嘉慶十年建

董義莊祠在思婆巷東祀 欽旌善行 贈登仕郎

秉珪道光四年建并祀處士乾初等於寢吳廷琛

記

張義莊祠懸在橋巷西祀 欽旌善行 贈朝議大

夫鳳德子愨祖配道光五年建并祀明處士維梓

等於寢 張青選錄

汪義莊祠在山塘白姆橋東祀 贈資政大夫和子

世模孫文琛配道光七年建沈恩光錄

徐義莊祠在封門盛家帶祀 欽旌善行 贈武德

騎尉濤道光十年並祀孝子炯節婦鑽妻何氏等於寢

潘義莊祠在懸橋巷東祀候選布政司理問 贈大

學士冕子奕雋奕藻奕基孫世墳世榮配道光十

五年建立并祀唐欽州刺史名暨主事景文等於

王義莊祠在百獅子橋祀 欽旌善行 贈奉直大

夫仁道光十七年建并祀明會稽令承寵等於寢

韓義莊祠在婁門張香橋北祀 予告前刑部尚書

封道光十七年建並移祀明貞文先生馨於正楹

原祠在竹堂寺子樵孫騏曾孫是升元孫封等附并祀

明處士思聰等於寢

丁義莊祠在懸橋巷中祀 欽旌善行 贈儒林郎

候選從九品荆堂子錦華配道光十九年建並移

祀明鄉賢浙江布政元復於正楹原祠在丁香巷子文起

肇亨裔孫揆茶社並祀明贈蕭山縣訓導謙等於

寢

王瓜蛇在東北園野田間形同王瓜甚肥短最毒

蘇公祠在定慧寺後向有蘇文忠公像及所書歸去

來辭碑久廢道光十四年按察使李彥章郡紳石

韞玉吳廷琛顧沅倡建總督陶澍巡撫林則徐織

造豫堊布政使陳鑾按察使怡良鹽運使俞德淵

率屬捐廉助成邑尉夏廷松紳士徐僖彭慶長蔣

賡堽顧震濤孔繼堯佐其事沅復購鄰房創造園
林有嘯軒蘇亭雪浪軒蘇軒思無邪齋諸勝祀文
忠公軾明巡撫周文襄忱知府况鍾配另祔宋判
司王文罕寺僧卓契順等總督陶澍題扁曰心境
竒絕書聯曰喫惠州飯和淵明詩陶云吾云書就
一篇歸去好判維摩憑到東坡界人相我相笑看

二士往來同巡撫林則徐題扁曰緣並二邱書聯
曰嶺海答傳書七百年佛地因緣不僅高樓鄰白
傅岷峨迴遠夢四千里仙蹤遊戲尚留名刹配黃
州布政使陳鑾書聯曰翰墨溯高風輪扶大雅椒
馨薦遺愛鼎峙前修按察使李彥章聯曰江海宿
宿緣深片石猶留古吳郡軒楹遺址拓_音菰香長溯

舊蘇齋知府沈兆澐題聯曰方外猶存傳墨妙此
間端合奉詩仙李彥章并輯蘇亭小志十卷行世
朱襄趙廷熙序

五老七友二圖碑在滄浪亭名賢祠古廡五老潘京
卿奕雋吳太守雲石魚訪韞玉韓尚書封陶宮保
澍七友顧銀臺蕤朱宮贊珩朱侍郎士彥吳京卿

廷琛梁方伯章鉅陶宮保澍卓府丞秉恬七人皆
壬戌翰
林朱珩記梁章鉅書孔繼堯畫道光十年立二條
郭鳳

梁記

趙園在李繼宗卷內明大學士吳一鵬真趣園址池中

有巨石鐫嘉靖時人詩山塘有閣老廳北濠有菊
花亭蓮花堰 國朝雍正初趙成秩重修今為戲

園

竹梧園在舊學前明醉竹先生顧汝玉築中有亭池

樹石之勝後改為父子鄉賢祠祀汝玉子太保其

志孫節愍公緝詒孝行廷錡謹附顧承錄

寶積寺在塔兒巷原本作糜都兵巷似誤即要離宅故有廟梁

天監二年改為寺因祀為伽藍神乾隆三十一年

夏雨壞墻露出鐵跑六位敗盃無數鑄有宏光二

年順治三年等字并有麵餅六壘已朽顧公變記寺中

奉忠孝王伍員像亦甚靈異

陽山土皆赤惟岳園一區泥黑產笋最肥嫩香如蘭

蕙

明嘉定伯周奎賜第在吳衙場西 國朝順治四年

改為織造公署舊署即今北局故東有坤儀毓秀坊南新
局亦奎賜宅別墅在香雪海左俞鴻臚良史故宅

今尚有周家街之名

石韋馱在濂溪坊西民家像高逾丈宋初資壽尼寺
故物

太平窰在臯橋東民家內陷穴甚曠或云明初人造

防大火以便納物二條及心齋記

石獅在吉由巷名醫鄭氏門前光明如鏡有靈異損
一足旁有古石盤磨一具皆宋時舊物一在郡廟

西任錄功祠對門甚古亦損其足

勃齋出對門外灣村色黑出華林色紅紅味皆甘嫩
婚姻墩在橫金昔有女子送葬與人結姻於此真率筆記

元石礎在臨頓橋北潘元紹舊物有八製作奇古上
有蟠螭六面下列三獸穿於螭首之下高二尺許
圓四五尺嘉慶初郡紳潘奕雋取其四藏須靜齋
中參軍錢泳取其四藏報春亭下亭在金匱

梅花和尚錢墳墓在虎邱山後左右俱梅自題石柱
曰槐夢時醒成大覺梅花香裏證無生墳山陰士

人善申韓學能吟工草畫梅尤妙二條錢泳履園叢話

孫春陽南貨店在皋橋西其地明唐寅讀書處有古
梓樹一株其大合抱樹本猶存按春陽寧波生員

萬歷初來吳開一小舖於此今為郡中之冠有工

用之物

趙吉士寄園記余澹心板橋雜記錢泳履園叢話纂

北寺前香花橋水底更有一橋疊之嘉慶初開河竟

見橋面石元和縣倉前河底亦有一橋

北寺塔中一小碑有刻嘉靖二十五年比丘如金募
施王鎮修塔十六字按明宏治十三年僧德旻修
陳公琦記乾初郡紳嚴恪錢邦彥增德壽性月
修萬曆十年申時行韓世能修僧佛日監之王世
貞記三十一年僧洪恩修三十八年徐申修國

朝康熙五年金之俊僧剖石修十五年僧石樹修
道光十八年潘師乾潘筠浩修僧巨峯監之

三家村在平江路北張士誠時止存仰胡沈三姓聚

族死守婁門

汪美基記

野芳濱古名新涇

毛程記

三千六百釣臺在臨頓橋北明徐柯隱居處門聯有

第五司空不妄詣斛斯校書翻倒懸其室聯有醕

酏思中山干日突兀見廣廈萬間瓜涇譜傳

昏門向有吊橋紫石甚古明嘉靖時嚴高愛而拆去

今在袁州城外亦名萬年橋董國華記歷多覆溺之虞

民官惑於風水將二百年之久至國朝乾隆五

年知府汪德馨力闢邪說重建名曰萬年並建吳

中第一橋坊巡撫徐士林記任其勞者通判王廷

熙驛丞高世傑紳士鄭培基汪令焯張鳳翔李世

權

石屏風木耳躲在五聖閣前明末潘氏仙授鐵屑丸

招牌煨鐵為丸治腹痛食滯如神

馬盤井巷路傍有古石磨盤一古井一皆宋時舊物

以鎮里中不可移動李鉞記

圓妙觀東嶽殿晉咸寧二年建元元貞元年修明成

化二十三年道士韓執中姚宗源張日新張鶴峰

繼修嘉靖三十八年葛栴建黃省曾記 國朝順

治四年里人魯芳建康熙五年席某重建道光六

年曹元潛李慎安李起堂王綱菴道士謝應德程

炳元陳瑞基等重建潘世恩記

游宮浜在社壇菴廣生菴後斜達圓妙觀中順治十

三年道士施道淵所塞

周宣靈王廟在寶林寺西志見神姓周名雄字仲雄杭

在宋銳志恢一作姓繆名宣少授仙指後之武宗

復抑鬱以歿源失足死于水中淳佑元年始封王爵小知立廟於此一在光福虎

山神姓周名吉

大成坊巷中喬司空巷口義井井闌石刻有大宋國

平江府長洲縣上元鄉竹

居住父張成母

黃氏六娘夫顧份捨錢開義井一口諸為亡女張

氏

早

界紹興

謹題又一面刻有

寄居平江府吳縣

力施財重新焚砌

街自穀市橋至太平橋及

井一口時皇宋寶

祐年歲次丙

中元後

日建又一面刻有義

井嘉定改元六月朔

幹緣造闕下

黃華涇北百歲坊明萬曆三年為張思本妻薛氏

給帑建

汲水橋百歲坊乾隆三年為徐元未妻高氏 給帑

建

洞庭西山百歲坊乾隆十一年為蔡軒明妻殷氏

給帑建

胥門百歲坊乾隆二十三為金旭陽 給帑建柱鐫

沈德潛題聯曰天心默眷大年齊秦地河山皇極

用敷景福錫吳門壽考

養病閒記

虎邱南岸百歲坊嘉慶四年為戴培本妻陸氏 給

帑建並旌貞節

三鄉廟更百歲坊嘉慶十年為金德英妻汪氏 給

帑建

滄浪亭堂聯有鐫於木曰三秋剛報賽休辜良辰美
景請先生閒坐談談問地方上士習民風何因何

革五簋可留賓何用張燈結綵教百姓都来看看
想平日間競奢鬥靡孰是孰非乾隆四年巡撫

徐士林書題

今失

酒仙堂在東禪寺東宋僧遇林賢多異蹟祥符五年
上元日化後即以肉身塑像稱辟支佛禱雨最驗
寺中有棋枰街蟹眼井皆酒仙遺蹟

中央賢聖廟在陸墓陸家橋宋元豐三年建神姓塚名

伯玉保障諸村最為顯應

村民社會有輪
義高趨之妙

雙忠廟即天壇傳奏司廟在盤門三都橋神姓劉名
鼎為靈巖鄉土穀神又神姓張名鰲為順濟龍王

按二人汴人逆南渡守平江盤門拒金兵劉死於
陣張死於水里人立祠祀之明永樂初重建俞楨

記 國朝乾隆中再建彭紹升記嘉慶十三年重修

大中丞坊在白鶴觀西側大光祿坊在褚家場並為
明萬曆間章煥立初建時童曰謠大中丞完了就
問軍大光祿燒得光禿禿坊甫成煥果以事逮戍
光祿坊至康熙間鄰火所燬數已早定

堅鉞集

扇子井在雍熙寺大殿後西首吳周瑜故蹟久旱不竭

禁蛙堂在北禪寺內此處無鳴蛙門外有禁蛙池雨

華堂昏元大德中詩僧餘澤字天泉

傳載志書

天泉說

法天雨寶花以硃點蛙使之不鳴今遺像在寺中

禱雨屢驗

北禪寺大通閣宋皇慶初僧德普里士陸應祥夫婦

所建久廢 國朝乾隆五十二年僧祖印重建工

人歷八年費及鉅萬

吳門補求

泮池諸生墓在吳縣學內杏壇下甲申之變有衣巾
十餘人哭赴泮池死惜姓名無傳後人濬池起骨

盛鬣瘞此設位祔祀忠義祠

王岱東記

婁門永安橋宋慶元時建明萬曆九年里紳蔣二南

重建見志 國朝康熙十九年僧惟悅蔣德坂倡建

道光元年里人重修十六年石韞玉程仁藻仁霈

吳蔚林曹文熙 俞孝庭包汝霖等捐募重建顧震濤記

婁門永寧橋宋崇寧初建明宏治十一年里紳盧珪

重建萬曆五年顧豫蔣二南莫懷月等倡修 國

朝乾隆元年里人重建道光十八年把總宋天培

等重修

顧司空祠在虎邱花園街內隸元邑九都十二祀工

部侍郎藻傳載太倉州志康熙四十三年巡撫宋榮建並

書名卿芳俎匾上懸 欽賜 御製詩曰銅梁千

里曙雲開寶篆初從紫府夾天上已張新羽翼世

間無復舊塵埃康熙三十三年五月十六日 賜

內閣學士臣顧藻嘉慶初知縣王有慶重修顧宗文記

照廟應在南北局神姓歐陽名倫張士誠壻北局謂

其府第架木皆古楠故稱駙馬府公主好畜猫今

案上有泥猫為機杼財帛局神機匠崇奉香火又

在黃石橋左為土穀神

東倉妙濟堂乾隆四十五年紳士潘文起倡捐屠璇

殷在天同里人等請官建立地即報恩菴元延祐
時僧寂慶建明改靜德菴鄭敷教記

顧文
林錄

長洲倉王廟在妙濟堂側明宣德五年知府况鍾僧

愧庸建 國朝道光十二年知縣陳玉成重建

陳相公廟在許墅關神姓陳名平周顯德四年建為
彭華鄉土穀神 國朝嘉慶七年重建

銅墩廟在楓橋西神姓孔名宣元至順元年建為彭
華鄉土穀神

烈士神廟在郭港神姓姜名未詳明洪武三年建為
尹山土穀汪河神

東山廟即古短薄祠在虎邱山濱神姓王名均為武
邱鄉土穀神後唐時建傍有東山副司神姓葛名

成向在東嶺 國朝乾隆三十五年里人任德章
等移建今所詳虎邱志一在北濠水溝街內

西山廟在虎邱山西神姓王名珉為武邱鄉土穀神
宋崇寧二年建一在唐錫作卷底名下塘西山一
在洞涇內名上塘西山

韓蘄王廟在歸涇橋西神姓韓名世忠為昏臺鄉土

穀神明嘉靖二年建 國朝乾隆六年里士侯君

祥捨草香菴改建一在婁門周和山明嘉靖九年

建為依仁鄉土穀神一在滄浪亭見志一在靈巖山

前見墓志

錢氏三園在木瀆嘉慶十八年徵炎士錢炎字杏圃
始得斜橋西汪氏廢圃構之名曰潛園中多蘭菊

有奇石古樹之概仲弟子端溪於北岸更葺一園
疊石浚池多樓臺廊廡之勝名端園季弟煦字千
舟於潛園之西得薛氏舊園重新之名息園一時
題詠頗盛顧震濤有兄弟咫尺三園記

明指揮何少槐墓在教場西少槐先世因太祖近親
賜第蘇州教場楊山太尉廟傍

打結柏樹在北禪寺西元僧餘澤手植既死嘉慶二
十年雕成百子觀音像建殿安奉費西疇錄

陳水仙廟在昏江大日暉橋西神姓陳名閔字大有
為昏臺臺鄉土穀神按神名漢隆興二年官郡太守太湖水決以身殉止宋

紹熙碑誤作興字中建國朝雍正十三年重建沈德

潛記

顧金二烈婦墓祠在虎邱山塘綠水橋張忠敏公祠
東祀嚴燦妻顧氏順治七年雪夫冤獄自刎死志
沈某妻金氏夫亡自刎志祠中有大府給烈並
磨笄匾顧烈婦有像甚顯應二墓並在祠後金墓
已被陸姓所姓侵嘉慶十五年知府五泰元和縣
周岱齡勘實得復南首烈婦坊尚存

黃鸞坊橋井欄石刻文有伏承

當生庚寅施財

一口開

衆功德

父母

闕就

者慶曆辛

未下闕

開元寺東井欄石刻文有至元三年丁

仲春吉

衆建

乘鯉橋井欄石刻文有長洲縣上元鄉醋庫巷南居

住 吉州助教駱鎬捨石 井井欄

追薦亡妻 氏八娘 生

壬辰年

月 日題一面有元妻翟氏 自衣服 五

十闕化人天界延祐戊戌三月 開井又一

面有修理祈保平安闕 月吉日重修

郡學前井欄石刻有法真二大字 四修韓崇錄

東倉北石子街南方家田有小池中有七井甚古池

內潛黑魚頗大

清節堂在虎邱下塘菱行河頭嘉慶十七年陳道修

創建規收養早寡婦女以成志節郡紳韓是升潘

奕基宋鑣徐士俊蔣超曾王兆辰徐震芳黃人傑

朱玉崗殷裕揚徐景白萬黃成等倡始戴紹堂捐

地後有節婦墓左有節婦祠布政使慶保記

虎邱同善堂內小碑刻文有當州長洲縣東吳鄉唐家橋東居住清信女弟子王氏一娘并金男金守暹守良謹發至誠捨裝奩貨賣同建造石橋一座所集勝緣伏用祝延今上皇帝皇太后聖壽及福軍府棠僚六軍方姓次願自身平善家眷康寧者

治平元年五月望日勾當造塘路僧允勤題錢塘匠人鄭居惠一百七字中另刻小字有本府長洲縣白公題 凡師道等發心重建功德報答生身父母之恩自身康泰者嘉定四年續又三十八字

喜神廟在鎮府撫司前向在郡廟傍乾隆初移建祀翼宿星君神少年稱老郎實後唐莊宗

徐騰照因詩注

興梨園故祀之六月十一日神誕亦作唐明皇又謂馮小

神者童經山海又云顓頊子老郎其神有洪涯叔孫通雷海青黃幡綽

萬寶常魏良輔李龜年為伶人公所

魯班廟在憇橋巷祀公輸子嘉慶年呈官公建

小木匠工同業奉香火

金祖師廟在雙林巷嘉慶年呈官公建金箔同

業奉香火

玉祖師廟在石塔頭寶珠菴嘉慶二十五年呈官公

建琢玉同業奉香火

庖人公所在宮巷中祀闕帝宋相公禮闕祖師任元

其神有夙沙支離伊尹易牙彭篋虞悖婁護何曾鄭虎臣段成式嘉慶年呈

官公建庖厨同業奉香火

茶禮公所在社壇巷祀叔仲通陸羽宋禮道光十七

年呈官公建掌禮同業奉香火

舊例茶房多掌禮人兼之

嘉凝公所在合村坊巷道光十四年呈官公建金線

同業奉香火

承善公所在郡廟神道街道光十七年呈官公建並
籌卹工匠焚獨無告裝修置器同業奉香火

詠勤公所在蕭家團嘉慶

年呈官公建洋貨同

業奉香火

蔣慶均錄

七襄公所在文衙里道光十九年呈官公建紗緞綢

綾同業奉香火

永和公所在盤門城橋北下岸道光二十年呈官公

建木柴同業奉香火

沈桂麟錄

牛踏扁名豈在連香橋香而嫩不可多得

汪義莊祠在平江路潭子里祀 欽旌善行工部員

外郎留階子翼錫翼銘配道光二十一年建并祀

通議大夫士榮虞炳議叙道鼎煌等於寢

護王土地廟在石馬頭神即漢金日磾

陳明王土地廟在下沙塘東北

硯石土地廟在靈巖山南

馬丹馬明王土地廟在木瀆翠芳橋南

琵琶大王土地廟在西跨塘南有明嘉靖時鄉約碑

在廟外

顧明王土地廟在河山下神即吳公子季札

吳點土地廟在新郭宴宮里

吳王土地廟在香山南神即夫差旁有二妃侍又名

愛姬祠宋范文穆公有詩

八條許
學溥錄

行春橋土地廟在石湖上古廣濟菴址明正德間里

紳盧雍建

陳葛土地廟在楞迦山寶積寺前

朱如土地廟在走馬塘南

吳林土地廟在興福橋南

唱潮王土地廟在寶華嶺下神即陳顧野王宋元豐

初建

朱沙土地廟在橫山天宮寺北

八蠻土地廟在橫山桃花塢南有石橋石井甚古

藏書土地廟在穹窿山南神即漢朱買臣明天順四

年里士顧宗善重建

竺山土地廟在竺山有古井名龍眼泉九條吳啟承錄

洪廟土地廟在西華張村東

衛王土地在廟姚港山下

西陸司土地廟在孫舍村一在馬家村一在吾家山下

東陸司土地廟在塘裏村四條顧恒岳錄

高陂韓土地廟在篁村明萬曆初建張光譽錄

六和土地廟在許墅關七圖神即漢茅蘭乾隆三年重建

李晉土地廟在白廬山神即唐李克用

周將軍土地廟在新橋街口神即晉用處

余村土地廟在余村道光七年重建

三姑土地廟在甌山

白龍土地廟在白塘嶺下七條澣聖闕志

鴨神土地廟在南斜塘鎮章錫藩錄

義金土地廟在橫金鎮明初建萬曆丁亥錢舜臣等

重建

彰靈土地廟在吳縣七都十二圖工保南神即晉張

林

吳侯土地廟在彰靈廟東南神即宋吳璘

吳王土地廟在彰靈廟東北神即宋吳玠四條補乘摘

歐冶土地廟在匠門塘華黃橋內神即歐冶子

樹莊周土地廟在陽涇橋北

白鶴姬土地廟在五滾湓

西尚書土地廟在蠡口北三家村

光福城隍廟在虎山明永樂初建神姓范名瑤

瀆川城隍廟在木瀆南街神姓張名玉書

穹窿城隍廟在善人橋鎮一在金家澗並神姓陳名

鵬年有西府之號

鳳岡城隍廟在峙嶮嶺下神姓孫名龍文

聚塢城隍廟在潭東神之姓名未詳

陽司城隍廟在姚市後廟下神姓陸名隴其

衛王城隍廟在大市上毛村後姚港山神姓衛名未

詳

褚山城隍廟在褚山村神姓周名未詳

圖山城隍廟在謝宴嶺乾隆二年建沈德潛記志見神

姓趙名成之九條詳虎山嶽廟考

明李四娘墓在安齊王廟右側坏土上有樹甚古四娘

或云是節婦亦作神巫

元殉節守將安萬年墓在北禪寺西爆潭南路傍尺

土亦稱安將軍藏甲塚二條北園小志

三白酒婁闕顧氏創造申詒芳記宋顧克先名勤始造為白米白水

白麴紺珠以甌置壁下月餘出之鮮美名靠壁清

事物原鏡

永昌村有永福永祿永壽三橋皆順治七年里士王

之屏獨建并獨修安樂孟登衣錦三橋

仁孝里在道義街即仁孝坊明萬曆十三年知府朱

文科為徵士王敬臣立因宅在表其居後坊圮懸
匾橋閣乃康熙三年里士顧嗣芳嗣鏗創建乾
隆四十九年潘文起顧培源韓是升文廷璣等重
建

五聖閣界道義街北宋瀉熙初建祀藥師大士文昌
關帝周孝子為五聖明萬歷二十年里士王敬臣

徐申顧豫重建天啟二年許子禹歸湛再建 國
朝順治四年韓馨王君賢顧嗣芳重建乾隆十八
年夏振公高松年重修下有古菴改名月聲沈德
潛書額并記內有功德祠祀明張國維祁彪佳

國朝慕天顏丁思孔李念茲湯斌王君賢顧嗣芳
韓騏夏振公高松年沈德潛韓鍵韓是升陳蘭潘

文起韓敏張卓潘師隨

道義鄉境界圖碑在潘儒巷眼目司堂內舊碑剝落
道光十九年司事張鏞等重鐫顧元愷記顧震濤
篆顧洪濤書韓峯程典蔣賡堦顧祿蔣廷英顧震
濤殷思叻張韶星朱彭年吳惟昶金如蘭范臻凌
李榮椿張鏞恭立廟中

宋仙洲巷陸廣文沆宅內井闌石刻文有紹興二年

義井願百一娘子早生淨土十五字按宋時民

家產亡者必開井
以資冥福陸準識

酒仙廟在橫金鎮祀杜康儀狄宋元豐二年建該鎮
釀酒之同業奉香火

北寺塔古甌文有五平江府長洲縣樂安下鄉花闕

靖州軍事推官張廷傑男國學學諭進士聖任闕

三娘四娘息婦沈氏三娘闕寺重建寶塔六層寺

闕層捨輒染干片同結善闕幽冥保眷屬之康泰

子闕產克圖於豐行紹興闕元東京住今寄居

平江府吳縣利姓鄉飲馬橋北街西住弟子闕與

家眷捨塔輒一千五闕德保扶合宅家眷闕雙

鳳鄉塗菘市居住弟子宋敦仁妻陳氏闕妻項氏

妙蓮女弟子吳氏妙明宋氏妙因謝氏妙慧姚氏

妙性何氏妙督部氏戒香生闕勝薛名梅氏四娘

李氏七娘丁氏四娘闕李氏念五娘黃氏九娘同

敦義已工共闕十片各人報答四恩三宥及法界

衆生闕大宋國平江府闕街北面南居住闕孝

男王億年闕伏為亡夫王十闕三年發心每年
闕入報恩寺添闕長洲縣儒教鄉舸城北保居

住女弟子吾氏十娘孫承信即陸振捨錢九十貫
足添助買軌造塔功德追薦曾祖陸三承事祖十
承事父十七助教妣胡氏八娘叔十八郎二十承
事廿一郎超生安闕道光十八年修塔時得見之

韓崇
錄

福智菴碑在北禪寺西廡元大德五年笠澤僧景瞻
撰文吳郡王起書丹菴址失攷

吳縣義役田前明糧長運糧經費故曰義田自經兵
火冊籍散亡田為民業各輸義租乾隆三十年知
縣介玉濤得公田墨冊遂照冊畝息錢二千一百

文於現業比追又逐年石加餘租銀一錢五分不
減餘租三分之一蒙 恩准減始得甦困雍正二
年二月二十日 特舉老農勤勞儉樸身無過者
給以八品頂帶以示鼓勵名農官有艾澤村農高
俊思膺此秩

道士有妻子者名伙居多住富仁坊巷

水龍康熙初紳士陳肇泰買於海得西法取水救火
頗為民便乾隆十一年知府傅椿令一邑必設一
具

業有混名著者野芋薺餅餃小棗子橄欖曹籬桶
芋芳陸稿荐蹄子家堂裏花生小青龍蜜餞周馬
鞍首烏粉

業有人名著名者孫春陽南貨高遵五葵扇曹素功
墨局錢葆初沈望雲筆店褚三山眼鏡金餐霞烟
筒張漢祥帽子朱可文香飾雷允上藥材吳龍山
香粉王素川刻扇穆大展刻字譚松坡鐫石黃國
本手巾項天成捏像程鳳翔織補汪益美布足李
正茂帽緯黃宏成綢緞王東文銅錫王信益珠寶

業有地名著名者溫將軍廟前乳腐野味場野鳥鼓
樓坊餛飩南馬路橋饅頭周啞子卷餅餃小邾街
內釘頭糕善耕橋鐵荳百獅子橋瓜子馬醫科燒
餅鏘駕橋湯糰干將坊消息子新橋挽線香角直
菜荳糕黃埭月餅徐家街口腐乾

業有招牌著名者悅來齋茶食安雅堂醃酪有益齋

藕粉紫陽館茶乾仰蘇樓花露步蟾齋膏藥丹桂
軒白玉膏天奇齋鈕扣青蓮室書牋世春堂油鞋
天寶樓首飾錦芳齋荷包青雲室領頭茂芳軒麵
餅方大房羊脯三珠堂扇袋

以業名地者削箸墩木梳巷銅杓浜飯羅村筊筓巷
棧條巷冶坊浜葱菜河做籃浜箕盤巷做繖橋斛

扒淩網巾浜枕頭巷

米業晨集茶肆通交易名茶會婁齊各行在迎春坊
葑門行在望汎橋閘門行在白姆橋及鐵鈴關

久旱求雨集小兒樹旗毛持香花出巡名松花會屢

經效驗

久雨求晴小兒翦紙為女形持帚懸於簷衣底祀之

名掃晴娘亦應

眼鏡前朝只有單照以手持而用 國朝初年吳江
諸生孫雲球得洋法創始後傳其業

吳中夜行船山歌頗有警勸語曰月亮彎彎照幾州
幾家歡樂幾家愁幾家夫婦同羅帳多少漂零在
外頭南山頭上鵝鵝啼見說親爺娶晚妻爺娶晚

妻爺心喜前娘兒女好孤悽

葉盛永
東日記

乞頭名門甲城中有三十二股半分管之又有太保
徒犯朱九林等名色甚陋

明紀民間有大廳者即加門檻稅故今人稱有門檻
人家元時民屋高大者亦徵稅故民舍低小不敢

起樓顧公
燮記

社倉分建各鄉積穀備荒乾隆六年巡撫徐士林紳
士陳天鈺金宗浩貝紹溥毛維錡等創建今倉皆
廢存貯社長家按社倉舊例奉公樂善捐至十石
以上給花紅三十石以上給匾獎義五十石以上
褒加獎勵其年久數多至三四百石及社長正副
出納有法十年無過者該督撫題請八品頂帶

魚鱗冊始於洪武十三年監生武淳等造明國朝

康熙三年長洲冊成糧戶按址給單名方單都畝
址圩田形四至積步皆詳乾隆十六年知縣李光
祚重清積弊倒換新單元邑皆同惟吳縣冊燬知
縣褚邦禮欲造難成因山難丈步之故

郡中各廟向多瘠皂隸凡各署書役及民人塑像廟

中谷剛強以為躲避罪孽面目如生纍纍林立乾隆五年陳文恭公宏謀為按察時立命全行毀銷後稍存一二以肅神威

郡中三元令節城隍詣厲壇設祭俗以病者許犯必荷枷柱桎繫身大鍾濟濟闔市乾隆十二年巡撫安宜見其不經親至壇前各杖三十官為釋放在後者逸去乃免嗣後不敢如前之盛

歲三元令節府縣官迎城隍神祭虎邱郡厲壇祭莫教之鬼遵行鉅典非為嬉游吳俗尚鬼好勝遇祭之日自郡神而下羣奉內外十鄉土地爭為迎賽輿馬儀杖炫耀如雲士女舟車填駢咽道康熙十二年清明日擁擠山前至倒壓踐斃者十二人傷

者無算遂禁止十鄉土地出廟臨壇慢神擾民厥
後此風漸起亦屢經禁約如前例得各詣鄉壇致
祭

吳門首重機業城東北戶皆然道光十六年後絲損
停工匠戶嗷嗷莫濟死於溝壑慘不忍言郡紳潘
筠浩王有慶汪翼銘程仁藻程仁需等倡捐邱福

淳包汝霖等呈官設局調濟誠盛舉也始於戊戌
秋終於己亥夏統計二百六十日所恤機匠共三
千六百餘口共糜制錢一千萬有奇經司勸募者
曹廷栢陳垓曹文熙陳松孫周修基俞孝庭吳蔚
林陳煒蔡如柏袁仁義等詳見徵信錄董國華序
此舉責成經造紗緞帳房秉公開呈機匠戶口並
不勸助分毫局停後尚有極苦匠戶紳善復捐續

濟一二以待接手且呈官立案時稟明專救善良
嗣後倡眾叫歇停工永禁嚴究

城中河道久塞道光十五年春郡紳吳廷琛潘師乾
等倡濬如因果巷綠葭巷造屋已久甚難開洩

吳門年例施粥有廠立三處吳縣設北寺長洲設北
禪寺元和設青松菴道光十二年九九嚴寒多雪
十二月二十五日北禪寺粥廠竟踐斃三十三人

之多因放粥太早饑寒熒疲之故

道光十三年春蘇城內外一夜徧寫快行好事四大
字於路頭牆壁白牆煤書黑牆白書無不到處

道光十八年除夕戌亥之間大雷大電十九年元旦
日入時仍大雷電初三日狂風嚴寒大雪連日夜
積三尺餘戶不能啟塗無行人屋上有人馬足跡

網巾元楊維禎所製天祿識餘

道光二十一年冬郡紳潘筠浩等捐砌圓妙觀前自
醋坊橋起至察院場西口止長條石路其工甚鉅
坦坦履道行人傳頌

道光二十一年閏三月二十八日縣尊出示嚴禁案
奉撫部院程札開前經撫部院裕訪革蘇城內外

脚夫設立公所及盤頭名目並看墳人等私分地
界把持壟斷嗣後扛抬聽憑本家自行雇人共抬
棺壹具不得過六人每人工食不得過一百二十
文若僅止下船路止里許者每名不得出六十文
至棺柩到墳村民永不許巧立上山利市接扛破
土化灰登位圓塚諸名目其埋棺土工每日給工

食一百四十文遵照 憲定不許額外多索違者

立提嚴究

各縣通
遵立案

乾隆二十五年大旱巡撫陳文恭宏謀^投虎骨於五龍
堂龍潭中傾致大雨嘉慶十九年亢旱地生黑白
毛大府投鐵牌及虎骨於龍潭即有風雷冰雹之
異道光十二年有司循例投虎骨於龍潭八月二

日致出蛟水湧龍隕吳縣署及學傷民廬拔大木

隕于將坊濂溪坊至長元學止

董國
華錄

道光十九年太守李公璋煜製勸民歌二十則欲使
婦孺皆知識字人務念與不識字人聽之果能信
從勸言就是好百姓榜示通衢深見大君子愛民
求治之切如此 勸我民孝雙親身本是父母

身棄親不顧閒游蕩想一想三年懷抱是何人

勸我民和光弟兄弟合我本同氣總不一母也一

父想一想些須田產何必計勸我民和姊妹姊

妹之親不可廢爺娘生男也生女想一想些須財

物何必愛勸我民要盡慈後娘慣把前兒欺枕

邊言語總然好想一想前兒是兒不是兒勸我

民敦宗族相傳一派分五服富貴貧賤雖不同想

一想那個不是親骨肉勸我民保貞節婦之

心如冰雪一分絕產值多少想一想何忍把他貞

節滅勸我民睦鄰里語言差錯休提起相爭不

足讓有餘想一想誰肯為人不為己勸我民勤

種田種田便可遇豐年游手好閒無生理想一想

靠誰吃來靠誰穿 勸我民息訟端一日無訟一

日安訟司殺人不救人想一想小事何必去見官

勸我民莫抗糧抗糧衙役如虎狼兩忙趕早完

糧戶想一想那個還來肆倡狂 勸我民莫輕生

刑部律例載分明投井懸梁要圖賴想一想那案

問了甚罪名 勸我民莫賭錢吃飯穿衣全靠天

滿天張網天理想一想那個置了多少田 勸我

民莫窩娼窩娼家業立消亡秦淮紅粉終白骨想

一想這宗冤債何必償 勸我民莫買贓知情買

短罪難當省錢有限犯法重想一想官司拖累羞

空囊 勸我民莫停棺年年暴露心何安銘旌高

聳終何益想一想要盡生前救水歡 勸我民莫

選嬌一嬌傾家圖榮耀人家嫁女貴擇婿想一想
這些浮華何必要勸我民莫信巫挂香帶鎖滿
街塗從來禍福由自召想一想毀傷皮膚何其愚
勸我民莫吸烟五臟六腑都熬煎甘之如飴真
鳩毒想一想速死由已不在天勸我民莫販私
蠅頭微利吃官司徒流遷徙離鄉井想一想那及

安居樂業時勸我民莫懶做一家大小抬著過
一人尋錢十人用想一想問你如何不凍饑

吳門民間遇有路斃溺屍例得報官驗衙役滋索
屍場使費每致拖累破家為害非小嘉慶十七年
郡紳韓是升潘奕基范來宗董如蘭等呈請革弊
蒙按察使巴哈布通詳飭屬立案嗣後路斃溺屍

及井厠田池并自縊門外概由各善堂捐費呈報
與該民家無涉並無傷痕之屍准善堂驗收示諭
各堂民脫大累二十年又蒙按察使毓岱再嚴示
約勒石永禁

吳中失慎差役地棍向被災之家百計需索名烘天
東道所費甚大尤為慘毒嘉慶十七年郡紳韓是

升董如蘭等呈請革弊蒙按察使巴哈布立案給
示永禁知府習振翎長洲縣趙日煦元和縣周岱
齡吳縣孫仲良勒石六門各署前以杜刁風顧錦
章書徐培元刻

嘉慶元年冬元和知縣舒懷牌諭里民親自支更一
夜兩戶輪值鳴鑼擊柝風雨無間里中有失責成

所值者無論紳衿一體當差令出譁然十月初三日舉人陳鍾麟黃一機吳廷琛等合詞上訴巡撫費文懋瀆即蒙批飭禁照舊里甲支更閭里帖然

補乘
雜綴

道光十九年十一月三十日署撫部院裕謙出示嚴禁九條足正人心以厚風俗 一不准婦女入廟

燒香更不許住廟受戒 一不准開設女茶館

一男茶館不准有婦女雜坐 一男茶館有彈唱

詞曲者不論有目無目止准男人不准婦女止准唱忠臣孝子義夫節婦勸人為善之曲不准唱才子佳人私奔苟合以及豪強爭鬥誘人為惡之曲

一戲園不准婦女雜坐 一戲園不准演唱各

種淫戲 一花鼓淫戲不准演唱 一淫書不准

售賣亦不准外省書買兌換 一淫畫不准繪畫

售賣違者立拿嚴辦

淫畫疊奉

憲示勒石

永禁碑在東山廟前

吳門舊族顧陸朱張為四大姓顧陸尤甚至今人叩

門必問曰陸顧言非陸即顧也前明大家有丁金

陸顧管李六家族繁名重姻婭聯絡今吳中諺有

丁金陵顧管李之語言其交往稠密也

任兆麟記

唐花始於馬塍

周密齊東野語

康熙初山塘陳維秀始得窖

熏之法臘月能使牡丹玉蘭碧桃鮮艷奪目

道光二十三年七月禪興寺僧通悅在薛家弄土中

掘出隸書碑一座上篆復禪興寺記五字王文恪

公鏊撰待詔文徵明書嘉靖癸未五月僧其空恩

露道欽等立

志失載

其略曰梁武帝女公主妙嚴下

嫁郡人孫瑒並修梵行異室以居瑒居西曰禪興

公主居東曰妙嚴址周各四千一百三十五丈天

監二年建歿則葬於寺內

公主墓今在息園中孫家園有大阜疑即瑒墓

後興廢併合不一明正德丁丑併廣化寺為學寺

僧恩露徙居興復云

顧達尊錄

虎邱有耍貨市土偶為尚其法始於宋木瀆人袁遇

昌

長洲蔣助教文源年九十配張恭人年八十九弟戶

部郎中文涵年八十九配顧夫人年八十八俱五

世同堂親見八代文源孫中書應焜文涵孫編修

元益同日給假回籍祝壽海榮內之巡撫徐士林

製聯稱祝曰登甲登科五代兒孫繞膝難兄難弟
九旬夫婦齊眉大學士陳世倌書原聯剝落道光
九年曾孫廣堦請相國五世從孫其邁重書勒石
行世

吳縣何麟配周氏年八十八麟子永鉅年八十八永
鉅子漣年八十四三代皆五世同堂乾隆壬午壬

寅嘉慶丙寅三次邀 恩 旌表 賜八葉衍祥

匾額世所罕有

熙朝新語

蔣氏父立芳妻南唐家巷人道光壬寅年九十子文
忠孫君欽等八人曾孫淦泉等十一人元孫炳綸
等二人五世同堂

封溪彭氏五子登科彭紹咸子希濂乾隆甲辰進士希洛未

進士祝華辛巳科希涑丙午舉人希鄭己酉進士

同里三代翰林長洲韓莢康熙癸丑修撰子孝基庚辰庶常孫彥

曾雍正庚戌庶常吳縣嚴福乾隆乙未庶常子榮乙卯庶常孫良訓道光

壬辰庶皆宅在東北街按嚴會元尚居洞庭山

狀元宰相吳門四家明吳縣申榜姓徐時行嘉靖壬戌科萬曆朝

長洲文震孟天啟壬戌科崇正朝國朝長洲徐榜姓陸元文

順治己亥科康熙朝吳縣潘世恩乾隆癸丑科道光朝

五子登科吳門二家唐長洲歸融子仁翰大中仁憲

天寶仁海開成戊午仁紹咸通己丑仁澤癸巳國朝長洲張

孟球子學庠康熙己丑進士紹賢己丑進士應造乙未進士企齡戊午

舉人景祁雍正癸卯舉人

長洲錢閣學榮乾隆乙酉縣府試皆取案元學院梁

國治科試取入長庠泮元己亥鄉試解元辛丑會
試會元 殿試狀元六中皆元自古未有

三中元魁明吳縣王鏊成化甲午解元乙未會元探
花嘉靖朝大學士

蔣氏張德揆妾篁村人性敏容莊事夫如父家日落
力作畢嗣子婚大婦及嗣媳澹嘉慶二十一年德

揆年八十卒氏痛絕而蘇澹畢仰藥死几上有絕
命詞一首曰薄命何須惜小星豈有光拔釵供卯
酒罷繡摘柔桑到此心方覺空成夢一場九原尋
故主明我潔如霜一時傳誦著有潔己集卒年四
十顧震濤傳

宋氏郁世英妻幼讀書明大義年二十九適郁越四

載夫病卒氏遂絕食死距世英歿方二十五日道光七年教諭黃時敏給勁節凌霜槁獎閣

程氏光祿寺署正汪長鍾妻年二十歸汪孝舅姑時夫在內廷行走歿於任氏年二十六遺孤如溥尚幼仰事撫育一身兼之守節六載而卒封恭人道光九年學院申啟賢給節凜冰霜遍布政使

梁章鉅給筠心柏節匾旌閣

凌氏監生王鴻文妻年二十適王未幾夫遊京師歿於旅舍訃至氏遂絕食六日死年三十六道光十二年二月十六日事也蘇州府教授歐陽泉給烈

昭彤史匾旌閣

李氏倪孝章母蠡口胡巷農婦年三十夫故工織撫

孫氏周尚華妾葛百戶卷人年二十一夫故孝事大
婦親操井臼守寡五十四年年七十五卒嗣孫萱
妻李氏年二十四而寡事太庶姑孫繼姑吳以

孝聞

管氏沈國棠妻東麒麟巷人早寡撫子孝事衰翁道
光四年十月二十四日鄰火延燒氏入火救翁出

復冒燭搶祖先粟主被焚死

顧氏丁守躬繼妻吳縣學前人年二十九夫故葬畢
欲奪其志氏抱夫木主一慟而絕距夫死七十九

日

吳氏顧梅庵妻香山人年二十一夫亡屢欲自盡翁
姑力拒遂悲憤死

王氏監生俞培珽繼妻婺源籍孝義坊人年三十二
夫亡苦節撫孤大猷敦儒行守志二十八年長孫
浩繼妻詹氏年二十七而寡苦節二十九年旌

表

謝氏翁士鈺妻元禮長女年二十一夫亡苦節撫嗣
子成立守志三十一年嘉慶初旌表崇祀長元

貞節祠建坊漁洋山墓前

陳氏生員徐星梁妻年二十適徐結褵四月夫亡距
九日繼姑曾氏又歿氏哀慟誓死旋奉姑與夫柩
安葬歸即絕粒八日死道光八年十一月十九日

事

顧氏吳永芳妻東花橋巷人年二十二夫故百計求

葬夫棺遲至五年始得葬後竟絕食死道光十七
年事

朱氏徐文典妻光福人年二十五夫亡苦節享壽八
十三歲子章忠妻顧氏年三十五而寡苦志終老

徐樂
山錄

宋氏陸謹妻劉氏陸天爵妻周氏陸璜妻朱氏陸學

禮妻張氏陸煥曾妻並蚤寡苦志守節合例請

旌

方氏生員吳久生妻年二十九夫^亡苦節二十八年賢

孝著於鄉里請旌子孫多登仕籍者

徐氏監生譚祖望妻早寡遣嫁力拒不從泣曰貞女
不事二人夫亡改適禽獸行也竟勵節終身

莫頤
錄

周氏陳基華妻陳墓人年二十七夫亡苦節

蔣氏監生陳福成妻年二十一而寡苦節四十二年

張氏陳基始妻華氏陳基道妻並早寡苦節

錢氏陳啟濂妻外窰人年二十七夫亡苦節

盛氏監生陳紹聞妻年十七而寡苦節

王氏陳廷鍾妻外窰人年二十一夫亡守節

楊氏陳德源妻年二十一而寡苦節十一年

卞氏陳燦常妻早寡苦節

沈氏陳基定妻未婚奔喪守貞

朱氏陳燦訓妻光福人年二十五夫亡守節十七年

周氏陳榜英妻治芝塢人早寡苦節孫培禮妻金氏

年三十一夫亡守志

范氏陳煜琛妻陸家村人年二十二而寡守節

顧氏生員陳祿妻年二十八夫亡苦節二十二年

周氏陳元鏞妻年二十六而寡守節

顧氏陳澗妻年二十八夫亡苦志

陳氏監生鍾泰次女守貞不字孝事父母

鄒氏陳長溥妻年二十七而寡守節

十七條
陳祺錄

顧氏監生吳鑿妻年二十六夫亡苦節二十六年

湯氏監生吳濟妻早寡撫孤成立

章氏生員吳豐妾早寡苦節

朱氏吳元義妻早寡苦節

金氏吳鉞妻年三十一夫亡苦守三十三年

陸氏吳近仁妻年二十三而寡守節二十一年

顧氏吳文運妻早寡苦節二十一年

陸氏生員吳振遠妻早寡苦節五十三年壽八十六

毛氏吳應圻妻年二十二夫亡苦節

吳氏婁定國妻年三十夫亡苦節撫女遣嫁

葉氏吳文曜妻年二十六而寡苦守五十一年

黃氏生員吳鼎妾年二十七夫亡苦節道光十年

旌表

半氏州同吳繼泰妾年二十九而寡守節四十年

孫氏吳成元妻早寡苦節

章氏吳潤元妻年二十六夫亡守節四十六年

俞氏吳鍾妻早寡苦守

吳氏趙存信妻鍾女婚未久夫亡偕母俞氏守節

張氏監生吳清妻年二十九夫亡苦節四十八年

徐氏吳成基妻早寡苦節三十五年

管氏監生吳元敬妻早寡苦節四十三年

管氏吳華渚妻元敬媳年二十五夫亡偕姑守節

葛氏吳臨妾早寡苦節三十九年又妾萬氏年二十

四夫亡守節三十年

二十二條
吳臻福錄

宋文綏母卒痛哭死妻陸氏哀慟赴井死節孝祠續志

馬氏顧陳曜妻年三十三夫亡苦節二十七年

張氏顧思秘妻年三十一而寡守節二十三年

汪氏顧九成妻年三十三夫亡苦節三十七年

顧氏徐孝桂繼妻常熟徙郡城年二十二夫亡苦節

四十餘年

沈氏顧蒼繼妻年二十一夫亡苦節四十九年
潘氏顧旦復妻年二十六而寡苦節四十八年

劉氏顧宙妻及笄守節至老

顏氏生員顧炳義妻年二十七夫亡守節至老

周氏生員顧錫孝妻二十三而寡苦節四十年

沈氏顧璿妻年二十七而寡苦節十五年

韓氏州同顧曰熾妻年二十七而寡守節二十年

蔡氏顧俊妻年二十八夫亡苦節三十年

李氏顧倬妻年二十六而寡苦節四十六年

陸氏顧在德年二十七夫亡守節二十四年

姜氏顧王曾妻年二十而寡孝事舅姑

項氏顧超曾妻年二十六夫亡孝太姑撫小姑教子

成名

張氏顧中立妻年二十夫亡苦節十三年

徐氏顧家璘妻年三十三而寡苦節十四年

陸氏顧渤妻年三十夫亡守節十七年

十九條顧達尊錄內十三

條見彙

旌冊

徐氏陳韶妻妾門人年二十五夫故守節十八年撫

子紹祖又殤

沈氏陳祖鏞妻妾門人年十九適陳婚十九月夫故

苦節十九年

曹氏姚九臯妻年二十夫故撫孤苦志年七十四卒

守節五十四年

顧氏劉鎮岳妻花溪人年二十一而寡孝事舅姑守

節十餘年

孫氏許錦繼妻年二十二夫亡苦節三十餘年

李氏邱猶妻湯家莊人年二十三夫亡力田撫孤至

老

張氏陸正和妻年二十八夫故家酷貧斷炊依母家
居力撫二子成立孝事其母守節十年卒

王氏席謨媳水仙街人年二十夫亡孝事衰翁苦節
三十一年卒

周氏葉鶴齡妻大成坊人年三十夫亡苦節十六年
某氏湯家莊農人張阿狗母婚六月而寡佃田苦節

終老

孫氏石培元繼妻冷水灣人年二十九夫故哀毀卒

哈氏從九品余大來妾年二十二夫亡其母欲奪其

志氏矢志不從哀毀成疾半載即死

十二條彙旌事實冊並

節孝祠續志

景氏丁世震妻年二十三夫亡苦節二十二年四十

四卒

周氏丁士霖妻年二十四夫亡苦節十二年三十三

卒

陸氏生負朱兆軫妻年二十八夫亡苦節十七年

四十四卒

三條丁士淳錄

王氏州尉吳嘉瀛妻少事父母至孝年二十四夫亡

善事舅姑克盡婦道撫嗣子仁榮成立力行善舉

承母教也道光六年 旌表

張氏朱鑑妻孝事父母舅姑姑陳氏病危割股和藥
而愈迎養公妯尤謹

王氏戈錦妻年二十夫亡越三載奠夫畢自經死嘉
慶十四年八月二十七日事十五年 旌表

徐璧張邦榮妻篁村人工詩甚孝年二十一而寡苦
至二十九年撫孤成立臨終有示兒光譽詩曰卅

年孤雁為誰生辛苦原思玉汝成莫道顯榮方有
事賤時應得善人名道光十一年理問程墀給匾
旌閭

王氏女父湘女痛弟湯誓不嫁養親終身以孝聞卒
年四十六

萬氏女父元功幼喪父佐母撫弟母病割臂肉以進

果愈如是者三

許氏女父鈞遠遊獨侍癡母年十六父兄俱故矢志
不字母喪後齋終身積女工資葬父母及叔孀七
柩力勤祭祀

周氏女鄭香聘妻祈莊人夫亡女欲奔守父不許潛
受他人聘遂自縊死

費氏女懷天暴聘妻許家港人將婚夫故女欲奔守
父不許遂自縊死

李氏女父德宣迂里人年未及笄母劉氏故哀毀絕
食而死

馮氏女顧維能養媳年二十二夫故守貞五十年
劉氏女楊四觀聘妻支研山人奔守三十餘年

沈氏女殷永禮聘妻石馬頭人年十九夫故奔守孝
事舅姑守貞十二年卒

許氏女馬德全聘妻年十九夫亡奔守年四十一卒
守貞二十三年

趙氏女王禹祥聘妻東馬社人年十九夫故奔守三
十餘年

章氏女張季良聘妻燕家巷人年十九夫亡奔守孝
事其姑天節終老

奚氏女徐三星聘妻北開明橋人年十八三星坐事
死家酷貧在家守貞矢死不再字勤工養母屢餓
死復蘇不受籌卹年至七十四守貞五十四年

徐景

王氏女伊廷新聘妻父楠選聞夫故奔喪撫棺號慟
日夜不絕甫葬畢自縊死時年二十七道光元年
十二月二十三日事

釋啟修號悟一俗姓毛松陵人少有至行祝髮維揚
嗣法於高旻昭月長遊文星閣與彭紹升善延主
寶光寺時寺已圯基久為鄰占精勤苦募二十餘

年漸復舊觀重舉漢先賢陸績之祀以興古蹟釋

顛錄

釋方海字普澄俗姓崔烏程人幼讀書善竺典以孝
行著年二十一年祝髮天台華頂寺受具于清涼
寺際公專公梵理叅訪二十餘年經行三千餘里
後居齊門外杯渡菴一瓢一鉢形影相隨逢父母

諱日必禮懺追修平居不苟言笑見人必以念佛
行善為務年七十圓寂時索筆書偈腕弱如篆偈
曰七十年来夢幻多彌陀一句盡消磨而今直入
如來地空有雙忘禮寶陀擲筆合掌而逝著有西
方百詠懷淨土詩偈頌法語雜體文自知錄寸香
集五十三卷頌勸修淨土詩行世丁廣如傳釋如
本錄

金全資字靜安宮窿山道士延住東倉圓通閣有道
行操履甚嚴雖盛夏必衣冠端坐事父母至孝及
卒奉主閣中供養如生乾隆己卯里人沈士坤家
患祟行法捕伏遂安曾禱雨立應有司獎之

尼恒修餘姚許氏女釋庚雲之母少事父母舅姑以
孝夫亡自念宿生垢重報感五陋悟世非常出家

焚修三茅觀卷文星閣受具於靈鷲寺後過午不
食精勤誦懺日夕不輟後住福勝禪院禮華嚴經
苦志行持圓寂時異香繞室數日不散

方氏郁永昇妻年二十九夫亡家貧撫孤日作燭心
千枚為活力任嫁娶喪奠苦節二十三年子文達
有孝行道光七年教諭黃勤修給彤管遺徽編以

旌閭

錢氏徐大邦妻徐莊人年二十二夫亡屢欲殉義堅
防不得冬至日偶往小姑家遂自縊死

江氏兩女生員祖望女姊妹奉親篤孝至老不嫁終
身印鴻經有雙孝女傳

孫氏顧士桂妻楓江人年二十一夫亡貧甚撫孤苦

節至老 四條錄彙 旌事實冊

衛喜陳壽官瀆農女為程樹聘室宋氏貞女婢喜少

字張夫妖不字壽嫁朱某半載夫亡共依宋守節

終丹午 筆記

顧氏女吳龍其 補乘作 見龍 聘妻花橋西里人年十九捧

位成禮守貞六十九年嘉慶六年 旌表 吳天 佑錄

張鳳姐角直人為仁孝里顧廷煊婢少曾許某某殤

終身守貞執炊歷顧氏四傳年七十七卒 習幽 編

洪氏金積山妻東花橋巷人年十七夫死於水遺一

女家甚貧以調絲為活苦節六十一年顧承有調

絲行紀節 行素居 詩集

楊家善監生倡始代賒棺局以濟困急

周宣靈王廟在寶林寺西見神姓周名雄字仲雄杭

在宋銳志恢復柳鬱以歿一作姓繆名宣少授仙指後之武宋

淳祐元年始封王爵錄小知立廟於此一在光福虎

山神姓周名吉

